



Republika e Kosovës
Republika Kosovo / Republic of Kosovo
Komuna e Rahovecit
Opština Orahovac/Municipality Rahovec
Kryetari i Komunës – Presednik Opštine – Municipal Mayor



**INFORMATË RRETH AKTIVITETEVE TË KKS-B-SË PËR 6
MUJORIN E PARË TË VITIT 2025**



JANAR – QERSHOR, 2025

HYRJE

Të nderuar kuvendarë/e të Kuvendit Komunal të Rahovecit,

Bazuar në ligjin Nr.03/L-040, për Vetëqeverisje Lokale, dispozitave të neneve 3 dhe 4 të Udhëzimit Administrativ Nr. 27/2012 MPB- 03/2012 MAPL dhe Statutin e Komunës së Rahovecit, Nr.1005, i datës 29.3.2017, kemi kënaqësinë të paraqesim para jush raportin vjetor lidhur me aktivitetet, punët, angazhimet dhe arritjet e Këshillit Komunal për Siguri në Bashkësi përgjatë periudhës janar- qershor 2025.

Këshilli Komunal për Siguri në Bashkësi, është themeluar me vendim të Kuvendit Komunal, më datë 25.1.2022, ku anëtarët e këtij këshilli janë përzgjedhur sipas Udhëzimit Administrativ Nr. 27/2012 MPB- 03/2012 MAPL, ku është bërë shpallje publike në të cilën janë përcaktuar kriteret të cilat duhet t'i plotësojë një kandidat për të qenë pjesë e këtij këshilli.

QËLLIMI I INFORMATËS

Përmes kësaj informate, jemi munduar të krijojmë një pasqyrim të qartë për kuvendarët/et dhe qytetarët, lidhur me aktivitetet dhe punët që janë kryer në Këshillin Komunal për Siguri në Bashkësi. Kjo informatë ka për qëllim që ta rrisë transparencën dhe llogaridhënien e Kuvendit të Komunës së Rahovecit karshi qytetarëve.

FUNKSIONIMI I KËSHILLIT KOMUNAL PËR SIGURI NË BASHKËSI NË KOMUNËN E RAHOVECIT

Këshilli Komunal për Siguri në Bashkësi funksionon në bazë të legjislacionit, i cili është në fuqi në Republikën e Kosovës, ligjit Nr.03/L-040, për Vetëqeverisje Lokale, dispozitave të neneve 3 dhe 4, Udhëzimit Administrativ Nr. 27/2012 MPB- 03/2012 MAPL dhe vendimit të Kuvendit Komunal, më datë 25.1.2022.

Këshilli Komunal për Siguri në Bashkësi udhëhiqet nga Kryetari i Komunës, z. Smajl Latifi dhe Koordinatori i KKSB-së, z. Skender Hamza.

ANËTARËT E KËSHILLIT KOMUNAL PËR SIGURI NË BASHKËSI JANË:

- 1.1. **Smajl Latifi** - Kryetari i Komunës, kryesues;
- 1.2. **Fazli Morina** - Komandanti i Stacionit të Policisë;
- 1.3. **Nysret Abazibra** - Bashkësia Islame – Rahovec;
- 1.4. **Ylvi Shehu** - Teqeja e Madhe “Shejh Sylejmani”;
- 1.5. **Sabahudin Durguti** - Teqeja e “Haxhi Shej Iliaz Shehut”;
- 1.6. **Milan Stanojevic** - Kisha ortodokse serbe;
- 1.7. **Biljana Nakalamic** – Komuniteti serb;
- 1.8. **Egzon Hamza** - Komuniteti egjiptian;
- 1.9. **Valon Berisha** - Komuniteti Rom;
- 1.10. **Bujar Morina** - Komuniteti ashkali;
- 1.11. **Bajram Morina**, Kryesuesi i Komitetit për Komunitete;
- 1.12. **Abestrim Rexhepi** - përfaqësues i FSK-së;
- 1.13. **Alban Gashi** - Zyrtar për Barazi Gjimore;
- 1.14. **Avni Morina** - Drejtor i Drejtorisë për Arsëm;
- 1.15. **Erseka Cana** - Kryetare e Këshillit të Prindërve;
- 1.16. **Enis Berisha** - KLSP;
- 1.17. **Beqir Hamza** - KEVSB;
- 1.18. **Shani Hoti** – Ratkoc, KLSP- Sektori C;
- 1.19. **Besmire Bytyqi** - Drejtore e Drejtorisë për Mbrojtje dhe Shpëtim;
- 1.20. **Vjollca Gurguli** - SHL-Kosova;
- 1.21. **Lendrit Qelaj** - ZKKK;
- 1.22. **Shaip Shala** - Medie lokale;
- 1.23. **Mustaf Korenica** - Komuniteti i bizneseve;
- 1.24. **Lulzim Krasniqi**- Përfaqësues i Komitetit të Personave me Aftësi të Kufizuara.

DETYRAT DHE PËRGJEGJËSIT E KKSBSË

Përgatitja e planit vjetor të punës dhe zhvillimi i projekteve për rritjen dhe përmirësimin e sigurisë në bashkësi, identifikimi i dukurive negative, që mund të prishin sigurinë publike dhe rekomandojnë planet e veprimit, bashkëpunojnë me policinë për parandalimin e veprimeve të cilat e kërcënojnë sigurinë në bashkësi. Bashkëpunojnë me institucionet qendrore, që merren me sigurinë publike, me qëllim të krijimit të një ambienti më të sigurt në bashkësi. Lidhja e marrëveshjeve të bashkëpunimit me KKSBS-të, të komunave fqinje për çështjet e sigurisë në bashkësi, që i tejkalojnë kufijtë e komunës së tyre. Sigurimi i financimit të projekteve nga Kuvendi i Komunës që kanë të bëjnë me sigurinë në bashkësi. Përmes Komunës, kërkon nga ndonjë organizatë joqeveritare financimin e projekteve që lidhen me sigurinë në bashkësi, fton në takimet e tyre përfaqësuesit nga MPB-ja dhe institucione të tjera gjegjëse, kërkon nga policia përgjigje për rastet që janë me rëndësi për sigurinë në bashkësi, duke mos ndërhyrë në procesin e hetimeve policore. Mbajtja e takimeve të rregullta, bëhet sipas nenit 11, të Udhëzimit Administrativ Nr. 27/2012MPB-03/2012 MAPL.

Kuvendi i Komunës, ruan të drejtën ekskluzive të ndryshimit dhe të plotësimit të këtij vendimi të anëtareve të KKSBS-së.

Anëtarët e KKSBS-së kanë mandat të njëjtë me anëtarët e Kuvendit Komunal.

AKTIVITETET E KËSHILLIT KOMUNAL PËR SIGURI NË BASHKËSI JANAR-QERSHOR 2025

Në 6-mujorin e parë të vitit 2025, kryetari i Komunës i ka mbajtur gjithsej 3 mbledhje të rregullta, ku të gjitha këto mbledhje janë mbajtur sipas planit të aprovuar më 26.12.2024, pra janë respektuar të gjitha pikat e rendit të ditës së planit, gjithashtu ka pasur edhe pika shtesë, kjo është varur nga gjendja dhe situata e cila ka qenë në kohën kur është mbajtur takimi.

Përpos diskutimeve dhe debateve që janë bërë në këto takime, sa u përket pikave të rendit të ditës, gjithmonë në fund të takimeve janë marrë rekomandimet dhe konkluzat.

Më poshtë do t'ju paraqesim 3 takimet nga mbledhjet e Këshillit për Siguri në Bashkësi, si dhe pikat e rendit të ditës, po ashtu edhe diskutimet e shkurta që kanë dalë nga këto takime.

Mbledhjet e mbajtura janar-qershor 2025 nga Këshilli Komunal për Siguri në Bashkësi janë:

Pikat e rendit të ditës nga Mbledhja e KKSB-së, e mbajtur më 24.01.2025

- 1. Shqyrtimi dhe aprovimi i procesverbalit nga mbledhja e kaluar;**
- 2. Informatë rreth aktiviteteve të KKSB-së, gjatë vitit 2024;**
- 3. Analizë e sigurisë në territorin e Komunës së Rahovecit për vitin paraprak 2024;**
- 4. Vlerësimi i përgjithshëm i gjendjes së sigurisë në territorin e Komunës së Rahovecit;**
 - Siguria në trafik,
 - Ushtrimi i kontrollit më të shpeshtë të trafikut rrugor për të zvogëluar aksidentet me fatalitet.
 - Rreth veprimeve dhe masave për luftimin e shkelësve të ligjit në Komunën e Rahovecit.
- 5. Trajtimi i qenve endacakë;**
- 6. Raportimi dhe parandalimi i dhunës në familje;**
- 7. Monitorimi dhe raportimi mbi nivelin e sigurisë në shkolla, përdorimi i substancave narkotike dhe bartja e mjeteve të rrezikshme;**
- 8. Organizimi i trajnimit për mbrojtje nga zjarri me nxënësit e shkollave;**
- 9. Mbrojtja e Ambientit në Komunën e Rahovecit;**
- 10. Siguria dhe kontrolli i produkteve ushqimore;**
- 11. Të ndryshme.**

Konkluzion nga takimi i KKSB-së, i datës 31.01.2024

Diskutimet, Kryetari - Rreth pikës së tretë dhe katërt: Gjendja e sigurisë në territorin e komunës së Rahovecit është e qetë, stabile dhe pa ndonjë ndryshim thelbësor nga mbledhja e kaluar. Vazhdojmë të kontribuojmë bashkërisht në sigurinë e përgjithshme në komunën e Rahovecit. Konkluzion rreth pikës së tretë: Kërkoj nga Inspektorati dhe nga Drejtoria e Shërbimeve Publike, të shenjojnë parkingjet nëse nuk janë të shënuara.

- **Diskutimet rreth pikës së pestë:** Komuna e Rahovecit ka një kontratë për trajtimin e qenve endacakë dhe komuna në bazë të kësaj kontrate i trajton qentë endacakë në territorin administrativ të komunës. Mbi bazën e kësaj kontrate trajtohen rreth 1000 qen
- **Diskutimet rreth pikës së shtatë:** Gjatë kësaj periudhe, sigurinë në shkolla e kemi trajtuar si çështje të përditshme. Në bashkëpunim me drejtorët, me policinë dhe me kryetarët e këshillave të shkollave e kemi përcjellë gjendjen e sigurisë, e cila është stabile. Për t'i parandaluar të gjitha dukuritë negative që ndodhin nëpër shkolla, ne si DKA kërkojmë bashkëpunimin e prindërve.
- **Diskutimet rreth pikës së tetë:** Është bërë zakon që njësia e zjarrfikësve, bashkë me stafin e Drejtorisë për Shpëtim, në bashkëpunim me DKA-në të mbajmë trajnime-ligjërata, kryesisht me nxënësit e shkollës së mesme. Këto trajnime mbahen për t'u mësuar se si të reagojmë në raste emergjente, jo vetëm të zjarrit, por në të gjitha rastet emergjente që mund të kanosen. Këtë vit do të mundohemi të trajnojmë edhe personelin që punon nëpër shkolla dhe nëpër institucionet tona publike.
- **Diskutimet rreth pikës së nëntë:** Gjatë kësaj periudhe, sektori i mjedisit në kuadër të Drejtorisë për Punë Inspektuese ka kryer gjithsej 93 inspektime. Nga këto inspektime janë shqiptuar 52 gjoba mandatore, 30 leje të reja biznesore nga bizneset që operojnë në komunën e Rahovecit, 6 gjoba për mungesë të lejes mjedisore dhe 8 fletëparaqitje. Drejtoria e Inspektoratit është e përkushtuar të mbrojë mjedisin dhe të gjitha hapësirat publike.
- **Diskutimet rreth pikës së dhjetë:** Te sektori i tregut, gjatë vitit 2024 kemi mbikëqyrë të gjitha bizneset dhe tregtarët për të siguruar që ata të ofrojnë produkte të sigurta, të respektojnë normat dhe çmimet e tyre. Gjatë kësaj periudhe janë shqiptuar 8 gjoba mandatore për mungesë dokumentacioni dhe mospërputhje çmimesh.
-
-





Pikat e rendit të ditës nga mbledhja e KKSBB-së e mbajtur me 24.03.2025

1. Shqyrtimi dhe aprovimi i procesverbalit nga mbledhja e kaluar.
2. Vlerësimi i përgjithshëm i gjendjes së sigurisë në territorin e Komunës së Rahovecit;
 - Siguria në trafik;
 - Analizimi i vjedhjeve në territorin e Komunës së Rahovecit.
 - Vetëdijësimi i nxënëseve për rrezikun nga minat dhe mjetet e tjera të pashpërthyer nga lufta.
 - Trotualet dhe shenjat sinjalizuese në territorin e Komunës
 - Identifikimi dhe lirimi i hapësirave publike konkretisht trotuareve.
3. Monitorimi dhe raportimi mbi nivelin e sigurisë në shkolla, përdorimi i substancave narkotike dhe bartja e mjeteve të rrezikshme;
4. Sensibilizimi i qytetarëve për rëndësinë e promovimit të bashkëpunimit ndëretnik, multikulturor dhe ndërfetar.
5. Mbrojtja e Ambientit në Komunën e Rahovecit.
6. Siguria dhe kontrolli i produkteve ushqimore.
7. Takimi i anëtarëve të KKSBB-së, me përfaqësuesit e lagjeve urbane dhe fshatrave të Komunës së Rahovecit.
8. Të ndryshme.

Konkluzion nga takimi i KKSBB-së, i datës 24.03.2025

Diskutimet rreth pikës së dytë: Dëshiroj ta theksoj faktin që ne kemi organe ligjore me detyra dhe përgjegjësi në fushëveprimtari të caktuara dhe të gjitha këto na japin të drejtën të themi që, gjendja e sigurisë në territorin e komunës së Rahovecit është e qetë, stabile dhe pa ndonjë ndryshim thelbësor nga mbledhja e kaluar dhe nuk kemi ndonjë situatë që e ka cenuar këtë gjendje të qëndrueshme. Vazhdojmë të kontribuojmë bashkërisht në sigurinë e përgjithshme në komunën e Rahovecit.

Diskutimet rreth pikës së tretë: Policia e Kosovës në bashkëpunim me DKA-në, që merren me anti-drogën, me edukim dhe trajtim në vetëdijesimin e nxënësve nëpër shkolla. Në komunën tonë, shkollat kanë siguri, sepse janë të instaluar edhe kamerat e sigurisë dhe po vazhdojmë me investime në rrethojat e shkollave. Organet drejtuese të shkollave, gjithashtu e ndihmojnë forcimin e klimës së sigurisë në shkolla.

Diskutimet rreth pikës së katërt: Sa i përket bashkëpunimit ndëretnik, fakti që në një institucion si KKSBJ-a, marrin pjesë përfaqësuesit e grupeve të ndryshme etnike, shumica që janë shqiptarët, tutje romët, ashkalinjtë, egjiptasit, serbët, shoqëritë civile dhe përfaqësuesit e bizneseve etj... Besoj që promovimi i nivelit të bashkëpunimit mund të jetë edhe i nivelit kulturor dhe sportiv, sepse komuna e Rahovecit respektin parimin e barazisë, të diversitetit kulturor-etnik dhe ndërfetar.

PO ashtu po i njoftoj anëtarët e KKSBJ-së se do ta caktoj një ditë dhe do t'i ftoj në një takim dhe në një drekë pune krerët e bashkësive fetare, ku do të jetë edhe komandanti i policisë dhe dikush nga ekipi im. Kjo është një nismë e mirë që t'i shkurtojmë distancat, ndërmjet jush dhe ndërmjet komunës dhe organeve tona shtetërore.

Diskutimet rreth pikës së pestë: Të gjithë jemi të vetëdijshëm që mbrojtja e ambientin është një nga sfidat më të mëdha me të cilën po ballafaqohemi, si dhe një ndër prioritetet kryesore të qeverisë komunale. Si komunë kemi marrë iniciativë, si për pastrimin e deponive ilegale, ashtu edhe për parandalimin e ndotjes së mjedisit, konkretisht përmes masave ndëshkimore nga inspektorët e Komunës së Rahovecit. Për këtë periudhë i kemi shqyrtuar 21 gjopa mandatore në mjedis. Sigurisht që, në funksion të mbrojtjes së ambientit kemi edhe shumë punë tjera për të bërë. Ju lus të gjithëve që të denonconi sa herë që shikoni që ndotet mjedisi. Në fillim të Pranverës, në bashkëpunim me Drejtorinë e Shërbimeve Publike, kemi marrë një aksion për pastrimin e të gjitha deponive ilegale. Kontribuoni dhe denonconi secilin rast që e shihni. Sot, veçse i kemi pasur dy inspektime që kanë përfunduar me masa ndëshkimore. Nuk mjaftojnë vetëm gjobat dhe pastrimi, na duhet një sensibilizim dhe një fushatë vetëdijësuese për krejt qytetarët e komunës së Rahovecit.

Diskutimet rreth pikës së gjashtë: Siguria dhe kontrolli i produkteve ushqimore është proces i rëndësishëm për mbrojtjen e shëndetit të konsumatorëve, si dhe sigurimin e një tregtie me ushqim cilësor. Ju kemi informuar edhe më herët që, si inspektorat komunal nuk kemi të drejtë t'i ndëshkojmë subjektet që kanë gjëra pa afat, ose nuk janë me higjienë të rregullt, por, në bashkëpunim me inspektorët e Agjencisë së Ushqimit dhe Veterinarisë këtë muaj kemi bërë kontrolle intensive dhe janë gjobitur më shumë se 25 subjekte. Gjobat kanë qenë për mungesë të higjienës dhe për afat të skadimit. Për subjektet që i kanë shkelur të drejtat e konsumatorit, i kemi shqiptuar 4 gjopa me vlerë nga 1 mijë euro. Inspektorët e tregut janë mjaftueshëm me numër dhe mund t'i mbulojnë, marketet, super-marketet, restorantet, furrat, tregjet, etj... Pasi ka qenë edhe "Java e Mbrojtjes së Konsumatorit", ju lus dhe ju bëj thirrje të gjithëve që për secilën shkelje që e evidentoni të thirrni në këtë numër, pa pagësë: 080011000, ose në e-mailin.





KUVENDI I KOMUNËS NË RAHOVEC



Skender Hamza

Udhëheqës i Sektorit për Punë të Kuvendit